

مشرط القلم

در سعادتده باب عالی جاده سنده
اداره مخصوصه
محل اداره :

اصطلاح :

مسلك معزز موافق آثار جديده مع المنو به
قبول اولنور
شرح پندلبي آثار اعاده ارتقا

دين ، فلسفه ، ادبيات ، حقوق و علوم دن باحث هفته لق رساله در

در سعادتده نسخه سي ۵۰ پاره در

مؤسلى : ابوالعلا زين العابدين - ح . اشرف اديب

قيرلادن مقوا بورو ايله كوندريارسه سنوى
۲۰ غروش فضله آلير

تاريخ تأسيسى :
۱۱ نموز ۳۲۴

درسدته	سنه لى	اللى آياقى
ولا ياتده	۸۰	۴۰
مملك اجنبيه ده	۸۰	۴۰

در سعادتده بوسته ايله كوندريارسه ولايات بدلى اخدا اولنور.

ايكنجى جلد

۲۸ جمادى الاول ۳۲۷ پنجشنبه ۴ حيران ۳۲۵

عدد : ۴۱

طرفه عطف نظر ایدیور ایدم . لحظه لحظه تباعد ایتدجه هریردن
الوداع نداری کلیورمش کی اولیوردی . انقده برر سیاه لکه حالی
اندرنجیه قدر مواقع مذکوریه باقرق نهایت کوزمک اوکنده تجلی
ایدن منظره غلویه بی تماشا طالدم . بوتماشاک قلبه القا ایلدیکی معانی
عالیه بی مست حظوظ ایش ایدی . بو هتکام وجدواستقر اقدۀ عارف
بالله شیخ عمر بن الفارض حضر تلیسک شبو بیتلرینی آهسته آهسته
اوقومغه باشلادم :

تَرَى صُورَةَ الْأَشْيَاءِ تُجَلِّي غَايَتَكَ مِنْ
وَرَاءِ حِجَابِ اللَّيْلِ فِي كُلِّ خَلْعَةٍ
تَجَمَّعَتْ الْأَضْدَاءُ فِيهَا لِجَلْمَةٍ
فَأَشْكَلُهَا تَبْدُو عَلَى كُلِّ هَيْئَةٍ
صَوَامِتٌ تُبْدِي النُّطْقَ وَهِيَ سَوَاكِ
تُحَرِّكُ تُبْدِي النُّوْرَ غَيْرَ ضَوْيَةٍ

ارتق کونش عمان بی پلان سماء ماورای انقه کیشمش و ظلام
لیل ایلله اشکال و الوان کائنات مستور قالمش ایدی ، بولندیم یردن
قالقدم ، ارقداش لک یانه کیتدم . بو ائاده یمک زیلی چالندی . صالونه
ایندک . طعام اوزرینه براز کزندکدن صکره قارمه کیردم ، یاتدم .
ایرتمی صباح قلعه سلطانیه واصل اولدق . دقهلیه یناشان بر
بکک صندالی بزی آلدی ، طوغریجه « پسندیده » منده قلعه
سلطانیده قره غول بکله ین کوچک بر واپوره کوتوردی . اوراده
بر هفته قدر قالدق . مکر خصوصی بر واپور ایلله درحال استانبولدن
چیقارلقلمزه اراده سنیه شرفصادر اولمش ، واپورک ایسه تدارکت
سفریه سنی اکل ایتمی وسته محتاج اولدیغندن بزی همان چناق قلعه یه
متوجهاً حرکت ایتک اوزره بولنان دقهلیه یه ارکاب ایتش لری ایش .
محافظه مزایچون ترفیق ایدیلن مأمورین ضابطده بزمه برابر پسندیده یه
نقل ایتدی .

موسم . ایام بهار ایچنده اک شمعنه بار لطافت اولان نیشان . .
کائنات قهقهه ایلله خندان . . اطر فزده کی طاغیر تپلر ، زمردین چنلر
رنکین شکوفه لر ایلله دوناتمش . . قبه سنانک لاجوردی ایلله ملون . .
صباح لری نور سحری متعاقب افق شرقیده بری برندن روح تواز
الوان کونا کون ایچنده شمس عالم آرا کمال دبدبه واحتشام ایلله ظهور
ایدیور . . تحریک دست نسیم ایلله اهترازه کش خفیف خفیف طالع لری
واپورک اطرافنه شیب شیب اوریور . . کیجه لری آسمانده صاف و براق
برساحه نورانی پیدا اولیور . . دیدک لری کی بو ساحه ایچنده بر
نامتناهیلک بر مهیمیت برشمر مرسوم حس و خیالی اوقشایور . . کویا
برجز ، لایتجری بیکلرجه عوالمی بیکلرجه شمس و اقاری مشاهده
ایدیور ایدی .

یا ایها الناس کم لله من فلك
تجری النجوم به والشمس والقمر

الزام مالایزم قیلندن برکفت زائده در . باخصوص حکامده بویله بردرک یه
سقوطی ذل عدا یدرلر . خلاصه قوه عدلیه ده هرشی قانوناً تعیین اولمشدر .
ناظرلره ، انجمنلره دوشونیه جک برشی بر اقلمامشدر و یوقاریده
اثبات ایتدیکنمز وجه اوزره بویله اولقده لازمه در : زیرا حق تقدیر
اساسی قبول قوه عدلیه به بخش اولنان کانه امتیازاتی استرداد کفایت
ایدر . اوزمان حا کمر ، مدعی عمومیلر ، محاکم کتبه سی ترقیلرینی
تأمین ایچون تبصص و تملق طریقه توسل ایدرلر . کوزه کیرمک ،
طرفدار پیدا ایتک ، هیئت انتخابیه چاقق توجهلرینی استحصال
ایلله آمر اجرانک رأینی کندی طرفه اماله اسبابی تهیه ایتک
اک بیوک دوشونجه لری تشکیل ایدر . عیاقوقیل تحسناک زیر تأثیرنده
حقوق عباد نه صورتله محافظه اولنه بیلور اما دینیه جککه اشبو احوال
مابعدی وار ماردنی زاده : ابوالاعمر

تجلی حوائک

یادماضی

- مابعد -

کندمزجه برچوق معالر ویردک . کال بکک رجحان مطلق ایلله
رجحانی ، احمد مدحت افندیله توفیق بکک مدحت پاشایه منسوبیتلری .
نوری بکله بنم بر طرفه اتسابمز بولندینی ملاحظه لری ده تحری ایلدیکنمز
اسباب انتخاب ایچنده موجود ایدی . بو تقسیمده بزم حصه مزدها
آغیر دوشدیکندن رفقا تسلیت ویرمهک باشلادیلر . هله کال بک
خزائن خیالندن عکاک محاسنی حقه اول قدر شاعرانه پارلاق
سوزلر صاچدی که اخیراً مأموریت ایلله درت سندن متجاوز بولندیم
یروته کیدیورز ظن ایتدم . مکر نوری بکله بنم ایچون خیرلیسی
بو ایش . آتیده ظهور ایدن احوالندن بو تقسیمده ایکی رفیقک
کارلی چیقدینی تحقق ایتدی .

بر مدت قرده اوتوردق . صکره واپورک کزتی محله چیققدق .
برای وداع کلوب کیدن ذوات ایلله صحبت و ملاطفه لر ایلدیکی صروده
نورالدین درگاه شریف پوست نشینی شیخ غلب افندی مرحوم تشریف
ایتدی . ملاقات علیدلریله متمم اولدقندن صکره عودت بیوردیلر .
واپورده اقشامه طوغری تحریک چرخ عزیمت ایلدی .

ایضای سیامت

روم ایلی قطه سنده منهای سیاحتی کاغذخانه ، اناطولی جهتده
کزدیکی یرلر بکقوز ایلله حیدر پاشا اره سنده کی مسافیه منحصر بولنان
راقم الحروف ایچون بوایلک اقشام شام غریبان حکمنی المشیدی . دقهلیه
سرای بروتی طولاشدی . بنده یالکز باشمه بر طرفه چکلدم .
برجهتدن جاملیجه تپلرینه اطهره مدنکاه ایللیور ، کاهی استانبول

ايچنده بولنديغمز حوض بهشتي به نور قرک نقش ايلديكي سروسيمينلرده
بو لطافتلره قاتليور ايدى . طبيعتك بو شوق انگيز آهنگ عموميسيله
ذوق و صفامن برکال ايدى .

حافظ شيرازى ايله صفى الدين حلى صانكه بوكونلر ايچون شويله نغمه
طراز اوليورلرايدى :

هوامسيح نفس کشت و خاک ناهه کشاي
درخت سبز شد و مرغ درخروش آمد
تنور لاله چنان بر فروخت باد بهار
که غنچه غرق عرق کشت و گل بجوش آمد

وَرَدَ الرَّبُّعُ فَرَحًا بُوْرُوْدِیْ وَ بُوْرُوْرُ نَجَاتِیْ وَ نُوْرُ وُرُوْدِیْ
وَحُسْنُ مَنْظَرِهِ وَ طِیْبُ نَسِیْمِیْ وَ اَنِیْقُ مَلَبَسِیْ وَ وَشْرِیْ بُوْرُوْدِیْ
فَصَلَ إِذَا أَفْخَرَ الزَّمَانُ قَاتِنَهُ اِنْسَانُ مُقَلَّتِهِ وَ بَیْتُ قَصَبِیْدِهِ
یَغْنِیْ الْمَرَاجَ عَنِ الْعِلَاجِ نَسِیْمُهُ بِاللَّطْفِ عِنْدَ هُبُوْبِهِ وَ رُكُوْدِهِ

کيجهلری کوکرتهده طوبالانور، سطح دریاده نورقرله پیدا اولان
مناظر جميله حقنده درلودرلو تشبیه خیللر بولهرق بری بریمزه سزیلر
ایدهک . فقط ساحه پهنای خیالی ازهار کوناکون ايله آراسته بر چمنزار
بی پایان لطافتی اندیران کمالک ایجاد ایلدیکی تشبیهات یاننده بزم تشبیهلر مزک
حکمی قالیوب شمشه زرینلری بدره تصادف ایتمش یلدیزلر کی
سونیور ایدی .

گاه شاعر شیرازینک شوییتی :

جهان و کار جهان جمله هیچ در هیچست

هزار بار من این نکته کرده ام تحقیق

مائلی اوقشار صورتده شعرلر سوييله نوردی . گاه ادبیاتدن مسائل
قانونیه بچکردک . برکیجه ایچمزدن بری : بزده قانون « اجراسنه
اراده سنیه تعلق ایدن نظامنامه در » دیه تعریف اولنور . حالبوکه قانون
مونتسکیونک تعریفی اوزره « طبیعت اشیادن منبعث روابط ضروریه در »
دیدى . دیگر بری مونتسکیونک بو تعریفی معنای اعم ايله بر تعریف
فلسفی در . بومعناجه قانون : بر اصلک بری برینه مشابه احوال و کیفیاتده
مطرد بولنان تاثیریدر دیه دخی تعریف ایدلمشدر . هر دولته متخذاصوله
کوره دوائر عاتده سنجه تنظیم ایدیلوب قرارلاشدیریلان لایهلر محافل
اهل حل و عقددن کچوریلهرک اجرای احکامنه اراده جناب حکمداری

برکت زاده : اسماعیل صفی

صریح فکر

ماده و ماورای ماده

آرنه ایلدیر

اون سکرنجی عصرده واون طقوزنجی عصرک بدایتنده علمای

مادیون طرفدن تدوین اولنان آثاری اوقویانلر ظن ایدرلرکه روحک
موجودیتنه ، آخرتک وقوعنه عائد اولان اعتقاد تهلمکه ایچنده در ؛
صوکنده بشر بوايکی عقیده بی بردن ترک ایدرک حیاتک مبدای ،
معادی ماده اولدیغنی ، جنت ، جهنم کی شیلرک ايسه انسانلر طرفندن
تصنیع ایدلديکنی یقیناً آکلايه جقدر .

حقیقت ، بومضر فکر آوروپاده افکار منوره اصحابی تشکیل
ایدن طبقات آره سنده آله بیلدیکنه انتشار ایتمش ، حتی محرریندن
برجوغنی بونی علی ملا الناس اعلا نه ، هر مجلسده ترویجه قالیشمشدر ؛
وجدان سلیم اصحابندن بونلره قارشى طورمق ایستین علما ايسه
- صورت محسوسهده اثباتی قابل اوله مایه جق هیچ بر نظریه علمیه نک
قبولنه یاناشمایه جققلرینی علناً سوييله مکده اولان - بو آدملره قارشى
حجت سرندن عاجز قالمشدر .

یناء علیه هیچ مناقشهیه محل یوقدرکه اگر حال بو طرزده دوام
ایده جک اولورسه ایش بردنبرم الحادک اعلان اولنمسه ، قلوب بشره
حیات سرمدیدن نومیدلک چوکسنه واره جقدر آرتق بو عاقبتک
تدرن اجتماعی میقروبی اولان فساد . اخلاقه نه صاغلام بر اساس
اوله جغنی بیانه حاجت یوقدر .

لکن ذاتاً ضعیف اولان بشرک بومذهب مادیدن طولای دوشه جکی
ورطه اضمحلالی ازلدن تقدیر ایدن خالق حکیم بوشسیمانی حرکت
وهجومک قارشيسنه اویله بر صارب حائل دیکمشدرکه اوسد سدیدک
اوکنده فحول مادیون جواب و خطابه قادر اوله میهرق وقفه کیر حیرت
اولوب قالمشدر . پیشگاه عزملرینه دیکلن بومانع منیه کورنلر
آرتق مذهب مادی بی بوسبوتون براقیدیلر ، بطلانی کوردیلر .
کندیترینک شمدی یقدر حقیقتدن اوزاقده بولندیغنی ، روحک
بدندن مستقل بر موجودیته مالک اولدیغنی ، آخرتک وقوعی جای
شبه اولدیغنی دلایل محسوسه ايله اثباته قالیشدیلر . ایشته آلمان
مشاهیر علماسندن دوکتور قارل دوپلر (تسو قونفت - استقبال)
نامنده کی اثرده شوييله سويیلور :

« علوم طبیعی بقای روحی انکاره جرأت ایتشدی . جناب حق
ینه او علوم طبیعی بی انکار ایتمکه اولدیغنی روحک مخلدیته پرهان
اقلمه سنه محکوم ایلدی . »

باقلم مذهب مادیینک قارشيسنه دیکلهرک نظر نفوذنی خیت
ایچنده براقان احوال نه ایش ؛ ایشته بو حائل طاقتکداز ارواح
موتی ايله مناسبت و محاوره ادعاسنده بولنان طائفه « روحیون » ک
ظهوریدرکه بونلر او واسطه ايله - آنجق کوروب ایشیدنلرک
اینانه بیله جکی بر طاقم خوارق میدانه قویورلر . (قارئین کرامه
شوراسنی تصریح ایتهمز لازم درکه : بز نه بومذهب اتباع ایدن سواد
اعظم ايله یکنزبان اولهرق ، آشاغیده برنبذه سوييله جکمز ، خوارقک
ارواح منسوییتنی ادعا ایدرز ؛ نهده بو خصوصده رجال دین ايله